

Tarikh Dibaca: 21 Julai 2017M | 27 Syawal 1438H

KHUTBAH JUMAAT

Tajuk:

“MENUJU ALAM BARZAKH”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“MENUJU ALAM BARZAKH”

الْحَمْدُ لِلَّهِ الْقَائِلِ: قُلْ إِنَّ أَلَمَوْتَ الَّذِي تَفِرُّونَ مِنْهُ
فَإِنَّهُ مُلَقِيكُمْ^ص ثُمَّ تُرَدُّونَ إِلَىٰ عِلْمِ الْغَيْبِ وَالشَّهَادَةِ
فَيُنَبِّئُكُمْ بِمَا كُنْتُمْ تَعْمَلُونَ^١ ﴿٨﴾
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Marilah kita sama-sama berusaha meningkatkan ketakwaan kita kepada Allah SWT dengan penuh keyakinan dan keikhlasan. Laksanakanlah segala perintah Allah dan tinggalkan segala larangan-Nya. Mudah-mudahan kita tergolong dalam golongan orang-orang muttaqin yang mendapat keberkatan dan keredhaan Allah SWT dunia dan akhirat.

¹ Al-Jumuah : 8



Pada hari yang mulia dan penuh keberkatan ini marilah kita tumpukan pendengaran dan pemerhatian kita kepada khutbah yang bertajuk **"MENUJU ALAM BARZAKH"**.

Sebagai umat yang beriman dan berpegang kepada al-Quran dan al-Hadis serta akidah Ahli Sunnah wal Jamaah wajib mempercayai bahawa kehidupan, kematian dan kehidupan selepas mati pasti berlaku, setiap manusia pasti melaluinya. Pendek atau panjangnya umur kita tidak menjadi persoalan, kerana akhirnya manusia akan mati jua. Bagaimana sihatnya seseorang, bagaimana besarnya kuasa yang dimiliki, manusia pasti akan mati dan meninggalkan dunia yang fana ini. Apabila ajal atau masa kematian telah tiba, mati tetap mendatangi manusia di mana jua manusia itu berada. Sebagaimana yang ditegaskan oleh Allah SWT melalui firman-Nya dalam surah an-Nisa ayat 78:

أَيْنَمَا تَكُونُوا يُدْرِكُكُمُ الْمَوْتُ وَلَوْ كُنْتُمْ فِي بُرُوجٍ
مُشِيدَةٍ...

"Di mana jua kamu berada, maut akan mendapatkan kamu (bila sampai ajal), sekali pun kamu berada dalam benteng-benteng yang tinggi lagi kukuh".

Muslimin yang berbahagia,

Apabila nyawa telah berpisah dari badan atau mati, maka bermulalah perpindahan dari alam dunia ke alam barzakh atau alam kubur. Iaitu alam yang terletak di antara alam dunia dan alam akhirat, sebelum kita dibangkitkan dan dihimpunkan di padang mahsyar. Alam barzakh yang juga merupakan persinggahan pertama di antara tempat-tempat persinggahan alam akhirat. Sebagaimana hadis daripada Uthman bin Affan R.Anhu bahawa Rasulullah SAW bersabda:



إِنَّ الْقَبْرَ أَوَّلُ مَنَازِلِ الْآخِرَةِ ، فَإِنْ نَجَا مِنْهُ فَمَا
بَعْدَهُ أَيْسَرُ مِنْهُ ، وَإِنْ لَمْ يَنْجُ مِنْهُ فَمَا بَعْدَهُ أَشَدُّ
مِنْهُ

"Sesungguhnya kubur ialah tempat perhentian yang pertama alam akhirat, jika seorang terselamat dari huru hara azabnya, maka huru hara di tempat yang lain lebih ringan lagi kepadanya; dan jika ia tidak terselamat dari yang tersebut, maka huru haralah di tempat-tempat yang lain dengan lebih berat lagi".

(Riwayat al-Tirmidzi).

Ketahuiilah apabila mayat seseorang diletakkan di dalam kubur, maka dua malaikat Munkar dan Nakir akan mendatangnya dan menyoal beberapa soalan. Ini adalah ujian pertama yang disebut fitnatul kubur atau ujian kubur. Sesiapa yang berjaya dalam ujian ini akan menerima nikmat, manakala sesiapa yang gagal pula akan menerima azab Allah SWT. Inilah yang dinamakan nikmat dan azab kubur.

Sebagaimana sabda Rasulullah SAW yang diriwayatkan oleh Imam al-Bukhari, Muslim, al-Tirmizi dan Abu Daud bahawa antara nikmat-nikmat kubur itu ialah:

1. Dibentangkan hamparan dari syurga.
2. Dipakaikan pakaian dari syurga.
3. Dibukakan pintu menuju syurga.
4. Didatangkan wangi-wangian dari syurga.
5. Dilapangkan kuburnya seluas tujuh puluh hasta.
6. Diberikan cahaya yang menerangi kuburnya.
7. Tidur dengan lena sehingga hari kebangkitan.

Dan antara azab-azab kubur pula ialah:



1. Dibentangkan hamparan dari neraka.
2. Dipakaikan pakaian dari neraka.
3. Dibukakan pintu menuju ke neraka.
4. Didatangkan bahang api neraka.
5. Dipukul antara kedua telinganya.
6. Dihimpit bumi sehingga remuk tulang-temulangnya.

Hadirin yang dirahmati Allah sekalian,

Sesungguhnya nikmat-nikmat kubur disediakan bagi orang-orang yang taat kepada Allah SWT dan azab kubur disediakan bagi orang-orang yang menderhaka kepada Allah SWT itu berterusan hingga ke hari akhirat.

Ini dijelaskan sebagaimana hadis daripada Ibnu Umar R.Anhuma bahawa Rasulullah SAW bersabda yang bermaksud:

"Sesungguhnya apabila seseorang itu telah mati, didedahkan padanya pagi dan petang tempat tinggalnya akan datang. Sekiranya simati itu dari ahli syurga maka syurgalah yang didedahkan kepadanya untuk ia merasai nikmatnya, dan jika ia dari ahli neraka maka nerakalah yang didedahkan kepadanya untuk ia merasai azab sengsaranya. Kemudian dikatakan kepada masing-masing: 'Inilah tempat tinggalmu yang akan engkau dibawa kepadanya pada hari akhirat' "

(Riwayat al-Bukhari).

Hadirin yang dirahmati Allah sekalian.

Apa pun nikmat dan azab di alam barzakh atau alam kubur itu tetap berlaku dan setiap manusia pasti akan menemuinya. Oleh itu kita sebagai orang yang beriman, hendaklah meyakini kebenarannya dan bersedia dengan persediaan-persediaan yang dapat membantu kita bagi mendapatkan nikmat-nikmat kubur dan dapat menghindarkan dari azab-azabnya. Kita mesti memperbanyakkan amalan-amalan soleh, kerana



amal soleh satu-satunya pekara yang kekal bersama kita di alam kubur nanti.

Hadis daripada Anas bin Malik R.Anhu bahawa Rasulullah SAW bersabda yang bermaksud:

"Tiga perkara akan mengikut orang mati ke kuburnya, kemudian dua daripadanya akan balik dan tinggal satu bersama-samanya; yang akan mengikutnya ke kubur ialah keluarga, harta dan amal, kemudian keluarga dan harta akan balik, dan tinggalah amal bersama-sama dengannya".

(Riwayat al-Bukhari).

Antara amal-amal soleh yang dapat membantu seseorang bagi mendapatkan nikmat-nikmat kubur ialah: Sedekah jariah, ilmu yang bemanfaat dan anak soleh yang mendokannya. Sebagaimana hadis daripada Abu Hurairah RA bahawa Rasulullah SAW bersabda yang bermaksud :

"Apabila seseorang manusia meninggal dunia maka terputuslah amalannya melainkan dari tiga perkara iaitu; Sedekah jariah, ilmu yang dimanfaatkan dan anak soleh yang mendoakannya".

(Riwayat Muslim).

Muslimin yang berbahagia,

Amalan-amalan soleh yang dapat membantu menghindarkan azab-azab kubur ialah: solat, puasa, zakat dan amalan-amalan kebaikan yang dilakukan. Amalan-amalan tersebut akan menjadi benteng dan penyelamat kepada simati daripada azab kubur.

Justeru, Ingatlah dan segeralah melakukan amal-amal soleh sebagai bekalan untuk dibawa ke alam barzakh, kerana kematian akan datang pada bila-bila masa sahaja, tidak kira masa kita muda atau tua, masa kita sihat atau sakit, masa kita senang atau susah walau di mana



jua kita berada. Oleh itu janganlah kita lalai dan suka bertanggung dalam memperbanyakkan amal ibadah.

sewajarnya kita tingkatkan kesedaran dan keinsafan di dalam jiwa kita, bahawa kita semua akan mati dan tinggal di alam barzakh atau alam kubur. Jadikanlah apa yang telah berlaku kepada rakan-rakan dan saudara-saudara kita yang telah meninggal dunia sebagai suatu peringatan, pengajaran dan keinsafan bagi kita supaya bersegera membuat persiapan diri dan menyediakan bekalan amal soleh secukupnya bagi menghadapi kematian yang akan mendatang. Sedarlah, bahawa alam barzakh sentiasa membuka pintunya dan menanti serta mengalu-ngalukan kedatangan kita.

أَعُوذُ بِاللَّهِ مِنَ الشَّيْطَانِ الرَّجِيمِ
النَّارُ يُعْرَضُونَ عَلَيْهَا غُدُوًّا وَعَشِيًّا وَيَوْمَ تَقُومُ السَّاعَةُ
أَدْخِلُوا آلَ فِرْعَوْنَ أَشَدَّ الْعَذَابِ ﴿٤٦﴾

"Mereka didedahkan kepada bahang api neraka pada waktu pagi dan petang (semasa mereka berada dalam alam Barzakh); dan pada hari berlakunya kiamat (diperintahkan kepada malaikat): "Masukkanlah Firaun dan pengikut-pengikutnya ke dalam azab seksa api neraka yang seberat-beratnya!"

(Ghafir : 46).



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Narowi/Nurul
06.07.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِينِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُور، سُلْطَانَ شَرَفُ الدِّينِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّينِ عَبْدِ الْعَزِيزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُور،
تَغْكُو اَمِيرِ شَاهِ ابْنِ السُّلْطَانَ شَرَفُ الدِّينِ اَدْرِيسِ
شَاهِ الْحَاجِ فِي اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
